

մենեցուն: 33 Եւ զորս եգիտ արժանիս եւ պատրաստականս իւրում¹ յարութեանն, ընտրեաց, ուսոյց, եւ արձակեաց քարոզս եւ կոչնականս եւ հրաւիրակս՝ ի փրկութեան լոյսն հրաւիրել զձեզ:

34 Սակայն եւ դուք յայնմ փոխանակ երախտեացն ապախտիս հատուցեք. զորմէ դուք իսկ նախ զձեր գբարոզն եւ զհրաւիրակն զառաքեալ առ ձեզ եկեալն սպանեք. զայն՝ որ եկեալ զձեզ կոչէր ի փրկական շնորհս արքայութեան Տեառն մերոյ Յիսուսի Քրիստոսի: 35 Չի թեպէտ եւ դուք առ ձերում անմտութեան՝ տիրասպան ազգին խորհրդոյն հաղորդեցայք² Յրէիցն. զի նոքա զՏէրն կարծեցին սպանանել, հարքն ձեր զնորին առաքեալսն սպանին. եւ զհետ նորա նորին նմանին չարչարեցին վասն նոյն նորին իրաց: 36 Իսկ զկնի սորին իրացս այսոցիկ եկին բազմութիւնք սրբոց վկայիցն Աստուծոյ, նոցին Առաքելոցն ճգնակիցք. որք մինչ ի վտանգ չարչարանացն ճգնեալք, մինչ յիւրեանց մահն, պնդեալք ցուցանեն ձեզ զճշմարտութիւնն, զի թերեւս նոքաւք դառնայցեք յիմաստութիւն գիտութեան որդւոյն Աստուծոյ: 37 Սակայն եւ առ նոսա լցեք կատարեցեք բովանդակեցեք զսովորութիւն սպանութեանց ամբարշտութեանցն կամացն ձերոց: 38 Սակայն նորին արեամբն՝ զոր ասացի՝ բազում եւ պէսպէս նշանաւք խրատեաց զձեզ, եւ ի մահ ոչ մատնեաց վասն բազում ողորմութեանն. եւ իւր մերձաւորս արար զձեզ, եւ խառնեաց զձեզ ի բնութիւն³ կենդանութեան ընտանութեան վարդապետութեանն իւրոյ, ուղղութեան արիւնացն, յառաւելութիւն որդւոյն սիրելոյ իւրոյ:

39 Եւ յետ այսորիկ եթող ձեզ զամենայն վնասս ձեր, եւ ետ ձեզ վարդապետս զսիրելիս իւր: 40 Բայց դուք եւ ոչ զմի զայն ոչ յիշեցեք, ոչ եղիք ի մտի, ոչ կալայք ի սրտի, այլ յետս դարձայք՝ հրեական ազգին նմանեալք. առէք զնոյն յանձինս ձեր զնոցուն արիւնակն գործոց: 41 Չի պարտ էր ձեզ յիշել զերախտիսն Տեառն ձերոյ Քրիստոսի, որ ոչ յիշեաց զմեղս հարցն ձերոց, եւ ոչ զանաւրեւութիւնս ձեր: 42 Եւ ձեզ չէր պարտ⁴ մոռանալ զճգնութիւն հարցն սրբոցն խրատչացն եւ վարդապետացն ձերոց, որք ուսուցիչքն էին ձեր, որք հանապազ տքնէին վասն փրկութեան ոգւոց ձերոց. եւ արժան էր ձեզ ունել գութ ընդ նոսա՝ որք հոգեպէս բանիւ վարդապետութեանն երկնեցին եւ ծնան զձեզ վերստին, եւ ըստ ձերում զեղծման անդրէն դառնալոյ՝ դարձեալ միւսանգամ վերստին կրկնելոյ⁵ չարեացն ապաշխարելոյ ինքեանք իւրեանց խնդրուածովքն երկնեցին զձեզ դարձեալ, մինչեւ կերպարանեսցեն զՔրիս-

1 Յօրին. միում յիւրում

2 Յօրին. միում հնազանդեցայք

3 Կրկին յօրին. ի բնակութիւն

4 Գ. օր. անպարտ էր

5 Յօր. ընգերոյ